



აღამიანის  
უფლებათა  
საყოველთაო  
დაკლარაცია



60 წლისთავი  
სპეციალური გამოცემა  
1948-2008



გაერთიანებული ერების  
ორგანიზაცია





© გაეროს საზოგადოებრივი ინფორმაციის დეპარტამენტის  
საქართველოს ოფისი  
გაეროს ადმინის უფლებათა უმაღლესი კომისრის ოფისი, საქართველო

DPI/876/Rev.4-07-55693/მაისი 2008





## შინასიტყვაობა

ადამიანის უფლებათა საყოველთაო დეპლარაცია გაეროს გენერალურმა ასამბლეამ მიიღო 19 48 წლის 10 დეკემბერს. ტექსტის შემდგენელთა განსაკუთრებული და უზვეულო ხედვის წყალობით შეიქმნა დოკუმენტი, რომელიც პირველად კაცობრიობის ისტორიაში შეიცავდა საყოველთაობის პრინციპით განმტკიცებულ და ინდივიდუალურ კონტექსტში მოაზრებულ ადამიანის უფლებებს, დღეისათვის დეპლარაცია 360 ენაზე თარგმნილ და წარმოადგნას მსოფლიოს ყველაზე მეტ ენაზე თარგმნილ დოკუმენტს, რაც ადასტურებს მის უნივერსალურობას და საყოველთაო ხელმისაწვდომობას. დეპლარაცია შთაგონების წყარო გახდა მრავალი ახალი დამოუკიდებელი სახელმწიფოსა და ახალ დამოკრატიათათვის კონსტიტუციების შედგენისას. იგი კრიტერიუმი და საზომია იმისა, თუ როგორ განვსაზღვრავთ, თუ უნდა განვსაზღვროთ, რა არის კარგი და რა არის ცუდი.

ჩვენი ვალია, უზრუნველვყოთ ამ უფლებათა რეალიზაცია ყოველდღიურ ცხოვრებაში და დავრწმუნდეთ, რომ მათ შესახებ ცოდნა, მათი გაგება და გამოყენება ხელმისაწვდომია ყველგან და ყველასათვის. ხშირ შემთხვევაში დეპლარაციის არსებობის შესახებ ინფორმირებულობა უფრო მნიშვნელოვანია იმათვის, ვისი უფლებებიც მწვავედ იღახება – მათ უნდა იცოდნენ, რომ არსებობს ეს დოკუმენტი და რომ ის არსებობს მათთვის.

დეპლარაციის მიღების სამოცი წლისთვი შესანიშნავი შესაძლებლობაა ყველა ჩვენგანისათვის, ერთხელ კიდევ დაგადასტუროთ ჩვენი ერთგულება დეპლარაციაში აღბეჭდილი ხედვისადმი. დეპლარაცია დღეს ისევე აქტუალურია, როგორც მისი მიღების დღეს. კიმედოვნებ, რომ თქვენ მას საკუთარი ცხოვრების განუყოფელ ნაწილად აქცევთ.

გაეროს გენერალური მდივანი  
პან გი მუნი



## შესაგალი

დღეს როგორია იმის წარმოდგენა, თუ რამდენად დიდ წინგადადგმულ ნაბიჯს წარმოადგენდა ადამიანის უფლებათა საყოველთაო დეკლარაციის მიღება 60 წლის წინ. მეორე მსოფლიო ომის შემდგომ, როცა მსოფლიო მომზდარი პოლოკოსტის შიშით იყო შეპყრობილი, დაყოფილი იყო კოლონიალიზმისა და გამეფებული საყოველთაო უთანასწორობის გამო, პირველი გლობალური მსშტაბის დეკლარაციის მიღება, რომელიც აღიარებდა ყველა ადამიანის თანამდებობის და თანასწორობის განურჩევლად კანის ფერისა, წარმოშობისა თუ მრწამსისა – წარმოადგენდა უდაოდ გაბედულ წამოწყებას, რომლის წარმატება იმ დროს სერიოზული კითხვის ქვეშ იდგა. ფაქტი, რომ დეკლარაციის შედეგად შეიქმნა თვითონეული ჩვენთაგანის ძირეულ თავისუფლებათა დაცვის მასშტაბური ინფრასტრუქტურა, აღიარებს დეკლარაციის ავტორთა ხედის სისწორეს და ძრავალი ადამიანის უფლებათა დამცველის სამოცწლიანი ბრძოლის მნიშვნელობას აღნიშნული სედვა რეალობად ექციათ. ბრძოლა დღესაც გრძელდება და სწორედ ამით არის დეკლარაცია ძალმოსილი: იგი ცოცხალი დოკუმენტია, რომელიც კვლავაც იქნება მომავალი თაობების შთაგონების წყარო.

ადამიანის უფლებათა უმაღლესი კომისარი  
ლუის არბორი



ყველა ადამიანი  
იბადება თანასწორი და  
განუყოფელი უფლებებით და  
ძირითადი თავისუფლებებით

გაერთიანებული ერების ორგანიზაცია  
იცავს თვითოვეული ინდივიდის  
უფლებას და ხელს უწყობს  
მათ რეალიზებას.  
გაერთიანებული ერების ორგანიზაციის ქარტია  
ადასტურებს მსოფლიოს ხალხთა რწმენას  
ადამიანის ძირითადი უფლებების,  
ადამიანის პიროვნული ღირსებისა და ფასეულობისადმი.

ადამიანის უფლებათა საყოველთაო დეკლარაციაში გაერთიანებული  
ერების ორგანიზაცია ნათლად და  
მარტივად აყალიბებს იმ უფლებებს,  
რომელიც განუყოფელია თვითოვეული ინდივიდისაგან.

ეს უფლებები თქვენ გეპუთვნით.

ეს თქვენი უფლებებია.

გაეცანით მათ.  
დაიცავით ისინი და  
ხელი შეუწყვე მათ რეალიზებას.



## ადამიანის უფლებათა საყოველთაო დაკლარაცია

### პრეამბულა

ვინაიდან ადამიანთა ოჯახის ყველა წევრისათვის თანდაყოლილი ღირსებისა და თანასწორი და განუყოფელი უფლებების აღიარება მსოფლიოში წარმოადგენს თავისუფლების, სამართლიანობისა და საყოველთაო მშენებლის საფუძველს;

ვინაიდან ადამიანის უფლებათა უგულებელყოფამ და აბუზად აგდებამ გამოიწვია ბარბაროსული აქტები, რაც აღაშფოთებს კაცობრიობის სინდის და რომ ისეთი მსოფლიოს შექმნა, რომელშიც ადამიანებს ექნებათ სიტყვისა და რწმენის თავისუფლება და რომელშიც ისინი იცხოვრებენ შიშისა და გაჭირვების გარეშე, გამოცხადებულია, როგორც ადამიანთა მაღალი მისწაფება;



ვინაიდან აუცილებელია, რომ ადამიანის უფლებათა დაცვა გარანტირებულ იქნებს კანონის უზენაესობის პრინციპით, იმის უზრუნველსაყოფად, რათა ადამიანი იძულებული არ გახდეს მიმართოს აჯანყებას, როგორც უკანასკნელ საშუალებას ტირანიისა და ჩაგვრის წინააღმდეგ;

ვინაიდან აუცილებელია ხელის შეწყობა ხალხთა შორის მეგობრულ ურთიერთობათა განვითარებისათვის;

ვინაიდან გაერთიანებული ერების ხალხებმა წესდებაში დაადასტურეს თავიანთი რწმენა ადამიანის ძირითადი უფლებებისადმი, ადამიანის პიროვნების ღირსებისა და ღირებულების და მამაკაცისა და ქალის თანასწორუფლებიანობისადმი, გადაწყვიტეს ხელი შეუწყონ სოციალურ პროგრესსა და ცხოვრების უკეთეს დონეს მეტი თავისუფლების პირობებში;

ვინაიდან წევრმა სახელმწიფოებმა იკისრეს გალდებულება გაერთიანებული ერების ორგანიზაციასთან თანამშრომლობით ხელი შეუწყონ ადამიანის უფლებათა და



მირითად თავისუფლებათა საყოველთაო პატივისცემასა და დაცვას;

ვინაიდან ასეთ უფლებათა და თავისუფლებათა საყოველთაო გაგებას უდიდესი მნიშვნელობა აქვს ამ ვალდებულებების მთლიანად შესრულებისათვის,

## გენერალური ასამბლეა

აცხადებს

### ადამიანის უფლებათა საყოველთაო დეკლარაციას

როგორც ყველა ხალხისა და ყველა ერის საერთო მონაპოვარს, რათა ყველა ადამიანი და საზოგადოების ყოველი ნაწილი, მუდამ ექნებათ რა მხედველობაში წინამდებარე დეკლარაცია, მიისწრაფვოდეს სწავლა-განათლების მეშვეობით ხელი შეუწყოს ამ უფლებათა და თავისუფლებათა პატივისცემას და მათი საყოველთაო და ეუკეტიანი აღიარება-განხორციელების უზრუნველყოფას ეროვნული თუ საერთაშორისო პროგრესული დონისძიებებით როგორც ორგანიზაციის წევრ სახელმწიფოთა ხალხებში, ასევე ამ სახელმწიფოების იურისდიქციისადმი დაქვემდებარებულ ტერიტორიათა ხალხებში.



#### მუხლი 1

ყველა ადამიანი იბადება თავისუფალი და თანასწორი თავისი დირსებითა და უფლებებით. მათ მინიჭებული აქვთ გონიერი და სინდის და ერთმანეთის მიმართ უნდა იქცეოდნენ მმობის სულისკვეთებით.

#### მუხლი 2

ამ დეკლარაციით გამოცხადებული ყველა უფლება და თავისუფლება მინიჭებული უნდა პქონდეს ყოველ ადამიანს განურჩევლად რაიმე განსხვავებისა, სახელდობრ, რასის, კანის ფერის, სქესის, ენის, რელიგიის, პოლიტიკური თუ სხვა შეხედულების, ეროვნული თუ სოციალური წარმომავლობის, ქონებრივი, წოდებრივი თუ სხვა მდგომარეობისა.



გარდა ამისა, დაუშვებელია რაიმე განსხვავება იმ ქვეყნის  
თუ ტერიტორიის პოლიტიკური, იურისდიქციასთან  
დაკავშირებული, ან საერთაშორისო სტატუსის  
საფუძველზე, რომელსაც ადამიანი ეკუთვნის, მიუხედავად  
იმისა, თუ როგორია ეს ტერიტორია – დამოუკიდებელი,  
სამეურვეო, არათვითმმართველი თუ სხვაგვარად  
შეზღუდული თავის სუვერენიტეტში.

#### მუხლი 3

ყველას აქვს სიცოცხლის, თავისუფლებისა და პირადი  
უფლებების უფლება.

#### მუხლი 4

არავინ შეიძლება იმყოფებოდეს მონობაში ან ემობაში.  
ყველა სახის მონობა და მონათვაჭრობა აკრძალულია.

#### მუხლი 5

არავინ შეიძლება დაექვემდებაროს წამებას, ან სასტიკ,  
არაადამიანურ თუ ღირსების შემლახველ მოპყრობას, ან  
დასჯას.



#### მუხლი 6

ყველას, სადაც უნდა იმყოფებოდეს, აქვს უფლება ცნონ  
მისი სამართალსუბიექტობა.

#### მუხლი 7

ყველა ადამიანი თანასწორია კანონის წინაშე და  
დისკრიმინაციის გარეშე ყველას აქვს უფლება  
თანაბრად იყოს დაცული კანონის მიერ. ყველა ადამიანს  
აქვს უფლება თანაბრად იყოს დაცული ამ დეკლარაციის  
დამრღვევი ყოველგვარი დისკრიმინაციისაგან და ასეთი  
დისკრიმინაციის ყოველგვარი წაქმაშისაგან.

#### მუხლი 8

ყველას, ვისაც დაერღვა კონსტიტუციითა და კანონით  
მინიჭებული ძირითადი უფლებები, უნდა პქონდეს  
სამართლებრივი დაცვის ეფექტიანი საშუალება  
კომპეტენტური ეროვნული სასამართლოებისაგან.



## გუბლი 9

არავინ შეიძლება დაექვემდებაროს ოფიციალურ დაკავებას, დაპატიმრებას ან გაძევებას.

## გუბლი 10

უფლებათა და მოვალეობათა განსაზღვრისას ან წარდგენილი ნებისმიერი სისხლისსამართლებრივი ბრალდების საფუძვლიანობის გამორკვევისას, ყველას აქვს გონივრულ ვადაში მისი საქმის სამართლიანი და საქვეყნო განხილვის უფლება დამოუკიდებელი და მიუკერძოებელი სასამართლოს მიერ.

## გუბლი 11

1. ყველა, ვისაც ბრალად ედება სისხლის სამართლის დანაშაულის ჩადენა, ითვლება უდანაშაულოდ, ვიდრე მისი ბრალეულობა არ დამტკიცდება კანონის შესაბამისად საქვეყნო სასამართლო პროცესზე, რომლის დროსაც მისოვის უზრუნველყოფილია დაცვის ყველა შესაძლებლობა.
2. არავინ შეიძლება მიიჩნიონ ბრალეულად რაიმე დანაშაულის ჩადენაში ისეთი მოქმედების ან უმოქმედობის გამო, რომელიც ჩადენის დროს არ ითვლებოდა სისხლის სამართლის დანაშაულად ეროვნული ან საერთაშორისო სამართლის მიხედვით. არც იმაზე უფრო მკაცრი სასჯელი შეიძლება შეეფარდოს ვინმეს, ვიდრე სასჯელი, რომელიც გამოიყენებოდა სისხლის სამართლის დანაშაულის ჩადენის დროს.

## გუბლი 12

არავინ შეიძლება დაექვემდებაროს პირად და ოჯახურ ცხოვრებაში, მის საცხოვრებელსა და მიმოწერაში ოფიციალურ ჩარევას, ისევე როგორც მისი პატივისა და რეპუტაციის ხელყოფას. ყველას აქვს უფლება დაცული იყოს კანონის მიერ ასეთი ჩარევისა და ხელყოფისაგან.

## გუბლი 13

1. ყველა ადამიანს აქვს ნებისმიერი სახელმწიფოს ფარგლებში თავისუფალი მიმოსვლისა და




ცხოვრების უფლება.

2. ყველა ადამიანს აქვს უფლება დატოვოს ნებისმიერი ქვეყანა, მათ შორის საკუთარიც, და დაბრუნდეს თავის ქვეყანაში.

#### მუხლი 14

1. ყველას აქვს უფლება ეძიოს დევნისგან თავშესაფარი სხვა ქვეყანაში და ისარგებლოს ამ თავშესაფრით.<sup>7</sup>
2. ეს უფლება არ შეიძლება გამოყენებულ იქნეს ისეთი დევნის შემთხვევაში, რომლის საფუძველს წარმოადგენს არაპოლიტიკური დანაშაულის, ან ისეთი ქმედების ჩადენა, რომელი ქმედებაც ეწინააღმდეგება გაერთიანებული ერების ორგანიზაციის მიზნებსა და პრინციპებს.

#### მუხლი 15



1. ყველას აქვს მოქალაქეობის უფლება.
2. არაეის შეიძლება თვითნებურად ჩამოერთვას მოქალაქეობა ან უფლება თავისი მოქალაქეობის შეცვლისა.

#### მუხლი 16

1. ყოველ სრულწლოვან მამაკაცსა და ქალს რასის, ეროვნების ან რელიგიის ნიშნით რაიმე შეზღუდვის გარეშე, აქვს უფლება დაქორწინდეს და შექმნას ოჯახი. ისინი თანასწორი უფლებებით სარგებლობენ დაქორწინების დროს, ქორწინების განმავლობაში და მისი შეწყვეტის შემთხვევაში.
2. დაქორწინება შესაძლებელია მხოლოდ ორივე დასაქორწინებელი მხარის თავისუფალი თანხმობის პირობებში.
3. ოჯახი არის საზოგადოების ბუნებრივი და ძირი-თადი უჯრედი და მას უფლება აქვს დაცული იყოს საზოგადოებისა და სახელმწიფოს მხრიდან.



## გუბლი 17

1. ყველას აქვს უფლება ფლობდეს ქონებას როგორც დამოუკიდებლად, ისე სხვებთან ერთად.
2. არავის შეიძლება ჩამოერთვას ქონება თვითნებურად.

## გუბლი 18

ყველას აქვს უფლება აზრის, სინდისისა და რელიგიის თავისუფლებისა; ეს უფლება მოიცავს რელიგიის ან რწმენის შეცვლის თავისუფლებას და, აგრეთვე, თავისუფლებას როგორც ინდივიდუალურად, ისე სხვებთან ერთად, საქვეყნოდ ან განკერძოებით, გააცხადოს თავისი რელიგია თუ რწმენა სწავლებით, წესების დაცვით, აღმსა-რებლობითა და რიტუალების აღსრულებით.

## გუბლი 19

ყველას აქვს აზრისა და გამოხატვის თავისუფლება. ეს თავისუფლება მოიცავს ადამიანის უფლებას, პერსონალისა და გამორცხულოს ინფორმაცია და მოსაზრებები ყოველგარი საშუალებით, მიუხედავად საზღვრებისა.



## გუბლი 20

1. ყველას აქვს უფლება მშვიდობიანი შეკრებისა და გაერთიანების თავისუფლებისა.
2. არავინ შეიძლება აიძულო შეგიდეს რაიმე გაერთიანებაში.

## გუბლი 21

1. ყველას აქვს უფლება მონაწილეობა მიიღოს თავისი ქვეყნის მართვა-გამგეობაში უშუალოდ ან მის მიერ თავისუფლად არჩეულ წარმომადგენელთა მეშვეობით.
2. ყველას აქვს უფლება თანაბარ საფუძველზე შეგიდეს თავისი ქვეყნის სახელმწიფო სამსახურში.
3. სახელმწიფო ხელისუფლების წყარო ხალხის ნებაა: ხალხის ნება უნდა გამოიხატოს პერიოდულ



და სამართლიან არჩევნებში საყოველთაო და  
თანახმორი ხმის მიცემის უფლებით, ფარული  
კენჭისყრისა თუ სხვა თანაბარმნიშვნელოვანი  
თავისუფალი ხმის მიცემის პროცედურების  
გამოყენებით.

#### მუხლი 22

უოველ ადამიანს, როგორც საზოგადოების წევრს,  
აქვს სოციალური უზრუნველყოფის უფლება და  
უფლება მოახდინოს თავისი ღირსების შენარჩუნება  
და პიროვნების თავისუფალი განვითარება  
ეკონომიკურ, სოციალურ და კულტურულ უფლებათა  
განხორციელებით ეროვნული ძალისხმევისა და  
საერთაშორისო თანამშრომლობის მეშვეობით  
და თოთოვეული სახელმწიფოს სტრუქტურისა და  
რესურსების შესაბამისად.

#### მუხლი 23

1. უველას აქვს შრომის, სამუშაოს თავისუფალი  
არჩევის, სამართლიანი და ხელსაყრელი სამუშაო  
პირობებისა და უმუშევრობისაგან დაცვის უფლება.
2. უველას აქვს უფლება შესაბამისი ანაზღაურებისა  
უოველგვარი დისკრიმინაციის გარეშე.
3. უველა დასაქმებულს აქვს უფლება იღებდეს  
სამართლიან და დამაკმაყოფილებელ გასამრჯელოს,  
რაც უზრუნველყოფს ღირსეულ ადამიანურ  
არსებობას როგორც მისთვის, ასევე მისი  
ოჯახისათვის და რომელსაც, აუცილებლობის  
შემთხვევაში, უნდა დაემატოს სოციალური  
უზრუნველყოფის სხვა სასსრები.
4. უველას აქვს უფლება შექმნას პროფესიული  
კავშირები და შევიდეს პროფესიულ კავშირებში  
თავისი ინტერესების დასაცავად.

#### მუხლი 24

უველას აქვს დასვენებისა და თავისუფალი დროის  
გამოყენების უფლება სამუშაო საათების გონივრული  
შეზღუდვისა და ანაზღაურებადი პერიოდული



შვებულების უფლების ჩათვლით.

### მუხლი 25

1. ყველას აქვს უფლება პქონდეს ცხოვრების ისეთი დონე, საკვების, ტანსაცმლის, საცხოვრებლის, სამედიცინო და საჭირო სოციალური მომსახურების ჩათვლით, რომელიც აუცილებელია თვითონ მისი და მისი ოჯახის ჯანმრთელობისა და კეთილდღეობის შესანარჩუნებლად, და უფლება უზრუნველყოფილი იყოს უმუშევრობის, ავადმყოფობის, ინგალიფობის, ქრისტიანობის, მოხუცებულობის ან მისგან დამოუკიდებელ გარემოებათა გამო არსებობის საშუალებათა დაკარგვის სხვა შემთხვევაში.
2. დედობა და ჩვილი ყრმის ასაკი იძლევა განსაკუთრებული მზრუნველობითა და დახმარებით სარგებლობის უფლებას. ყველა ბავშვი, დაბადებული ქორწინებაში თუ ქორწინების გარეშე, უნდა სარგებლობდეს ერთნაირი სოციალური დაცვით.

### მუხლი 26

1. ყველას აქვს განათლების უფლება. განათლება დაწყებითი და ზოგადი მაინც, უფასო უნდა იყოს. დაწყებითი განათლება უნდა იყოს სავალდებულო. ტექნიკური და პროფესიული განათლება უნდა იყოს საყოველთაოდ ხელმისაწვდომი, უმაღლესი განათლება კი – ერთნაირად ხელმისაწვდომი ყველასათვის უნარის შესაბამისად.
2. განათლება მიმართული უნდა იყოს ადამიანის პიროვნების სრული განვითარებისა და ადამიანის უფლებათა და ძირითად თავისუფლებათა პატივისცემის განმტკიცებისაკენ. განათლებამ ხელი უნდა შეუწყოს ყველა ხალხის, რასობრივი თუ რელიგიური ჯგუფების ურთიერთგაბებას, შემწინარებლობასა და მეგობრობას და გაერთიანებული ერების ორგანიზაციის მოღვაწეობას მშვიდობის შესანარჩუნებლად.
3. მშობლებს აქვთ უპირატესი უფლება აირჩიონ, თუ რა სახის განათლება სურთ თავიანთი შვილებისათვის.



#### მუხლი 27

1. ყველას აქვს უფლება თავისუფლად მონაწილეობდეს საზოგადოების კულტურულ ცხოვრებაში, ტკბებოდეს ხელოვნებით, მონაწილეობდეს მეცნიერულ პროგრესში და სარგებლობდეს მისი სიკეთით.
2. ყველას აქვს უფლება დაცული იქოს მისი მორალური და მატერიალური ინტერესები, როგორც შედეგი იმ მეცნიერული, ლიტერატურული და მსატვრული ნაშრომებისა, რომელთა ავტორსაც იგი წარმოაგდენს.

#### მუხლი 28

ყველას აქვს უფლება ისეთ სოციალურ და საერთაშორისო წესრიგზე, რომლის პირობებში შესაძლებელია წინამდებარე დეკლარაციაში ჩამოთვლილ უფლებათა და თავისუფლებათა სრული განხორციელება.

#### მუხლი 29

1. ყოველ ადამიანს აქვს მოვალეობანი საზოგადოების წინაშე, რადგან მხოლოდ საზოგადოებაშია შესაძლებელი მისი პიროვნების თავისუფალი და სრული განვითარება.
2. უფლებებისა და თავისუფლების განხორციელებებისას შეზღუდვის ქვეშ მოიაზრება ის საზღვრები, რომლებიც აუცილებელია, რათა უზრუნველყოფილ იქნეს სხვების უფლებათა ჯეროვანი აღიარება და პატივისცემა და დაპატიჟილდეს ზნების, საზოგადოებრივი წესრიგისა და საერთო კეთილდღეობის სამართლიანი მოთხოვნები დემოკრატიულ საზოგადოებაში.
3. დაუშენებელია, რომ ამ უფლებათა და თავისუფლებათა განხორციელება ეწინააღმდეგებოდეს გაერთიანებული ერების ორგანიზაციის მიზნებსა და პრინციპებს.

#### მუხლი 30

ამ დეკლარაციაში არაფერი შეიძლება განიმარტოს,



როგორც რომელიმე სახელმწიფოსათვის, პირთა ჯგუფისა  
თუ ცალკეული პირებისათვის უფლების მინიჭება, რაც  
მათი საქმიანობის ან გარდეული ქმედებების შედეგად  
გამოიწვევს წინამდებარე დეკლარაციით გარანტირებულ  
უფლებათა და თავისუფლებათა მოსპობას.



16

